

NĚŠTO DO SWĚTA TRUBIĆ

čo. 14

- a) wjele pjenjez do swětoweho wobtoka klumpać
- b) wulku haru činić, wosebje na swjedženjach
- c) informacije dale dawać a šěrić, husto tajke, kiž měli so radšo zamjelčeć

Prawa je wotmołwa c.

Něšto do swěta trubić rěka zjawnje a wótře, snadź tež intensiwnje a wobšěrnje informacije wo někim abo něčim dale dawać, kiž běchu dowěrliwe. Zwjetša wužiwa so wuraz, hdyž njejsmy z tym přezjedni.

Takle móžeš to tež prajić

někomu něšto přeradzić_p, něšto wuplapotać_p, někomu něšto wupowědać_p, hubu dzeržeć njemóc_{ip}, něšto po cyłym swěće roztrubić (něšto wšudže wokoło powědać)

Příklady z rěčneho korpusa

Někotrym medijam so to lubi, hdyž žno so jich priwatne žiwjenje *do swěta trubi*. (Serbske Nowiny 2009, apryl-junij)

Wyše toho kapitalizm našu sprawnosć jenož znjewužiwa. Tohodla njemóžeš wšo *do swěta trubić*. (Jurij Koch, Wšitko štož ja widžu, 2. nakład Budyšin 1992)

A kajke rěče su wo nim wjedli, kelko wulkich słowow *do swěta trubili*. (Křesćan Krawc, Pырpalenje. Powědančka a skicy, Budyšin 1975)